

U IME FEDERACIJE BOSNE I HERCEGOVINE !

Općinski sud u Zenici, sudija Agić Sabrija, kao pojedinac, uz učešće zapisničara Mutapčić Inele, u krivičnom predmetu protiv optuženog D.E., zbog krivičnog djela zbog krivičnog djela Nasilje u porodici iz člana 222. stav 1. KZ FBiH u sticaju sa krivičnim djelom Sprečavanje službene osobe u vršenju službene radnje iz člana 358. stav 3. u vezi sa stavom 1. KZ FBiH, po optužnici Kantonalnog tužilaštva ZE-DO kantona Zenica, broj: T04 0 KT 0058190 24 od 15.10.2024. godine, nakon održanog retresa za izricanje krivične sankcije, u prisutnosti tužitelja Rahmanović Elvira, optuženog D.E. i branioca Močević Azre, zastupnik Kantonalnog zavoda za pravnu pomoć u Zenici, dana 25.03.2025. godine donio je i javno objavio

P R E S U D U

Optuženi D.E., sin S. i majke S., rođene K. rođen godine u Z., nastanjen u ulici ... , grad Z., po narodnosti ..., državljanin Bosne i Hercegovine, JMB:....., završena osnovna škola, bez zanimanja, nezaposlen, bez imovine, povremeno zarađuje, osuđivan, ne vodi se drugi krivični postupak,

K R I V J E

Što je,
dana 14.04.2024. godine oko 13.00 sati u porodičnoj kući u ulici ..., grad Zenica, došao u navedenu kuću i počeo uzimati hranu iz frižidera u istoj, na šta je negodovala njegova majka S.K., da bi nakon toga bacio konzervu na zid u prostoriji gdje se nalazi frižider i počeo vrijeđati, psovati i drsko se ponašati prema svojoj majci S.K., svjestan da na navedeni način vrši nasilje, drsko i bezobzirno ponašanje prema svojoj majci S.K., što je i htio, kao i da na taj način istovremeno krši zaštitne mjere koje su mu izrečene rješenjem Općinskog suda u Zenici broj: 43 0 Pr 238191 23 Zm od 28.11.2023. godine, a koje se odnose na udaljenje iz kuće i zabranu vraćanja u isti stambeni prostor koji se nalazi u ulici ... grad Z. u trajanju od 8 (osam) mjeseci i zabranu približavanja žrtvi nasilja u porodici u odnosu na žrtvu nasilja u porodici majku S.K. nastanjenu u ulici ..., grad Z., što je i htio, i temeljem čega je protiv E.D. podnesen izvještaj o počinjenom krivičnom djelu Ministarstva unutrašnjih poslova ZDK, Uprava policije, Policijske uprave I, broj: 08-02-08/4-477-1/24 od 09.5.2024. godine zbog postojanja osnova sumnje da je, između ostalog, počinio o krivično djelo nasilje u porodici iz člana 222. stav 1. Krivičnog zakona FBiH Kantonalnom tužilaštvu Zeničko-dobojskog kantona, nakon čega je njegova majka S.K., zbog straha za njenu sigurnost i život i sa ciljem da prijavi navedeno ponašanje njenog sina, pozvala policijske službenike Ministarstva unutrašnjih poslova Zeničko-dobojskog kantona, da bi na lice mjesta po navedenom pozivu došla patrola Ministarstva unutrašnjih poslova Zeničko-dobojskog kantona, Policijske stanice Centar i to policijski službenici A. Č. i S. Đ., u tom mometu raspoređeni na određene službene zadatke shodno rasporedu službe Ministarstva unutrašnjih poslova Zeničko-dobojskog kantona, Policijske uprave I, Policijske stanice Centar za dan 14.04.2024. godine i patrolnim nalogom Ministarstva unutrašnjih poslova Zeničko-dobojskog kantona, Policijske stanice Centar broj: 3033/24 od 14.04.2024. godine, koji policijski službenici, nakon što su došli do dijela kuće gdje se nalazio E.D., pozvonili na ulazna vrata kuće i nakon što je ulazna vrata kuće otvorio E.D. i vidio navedene policijske službenike E.D. se prvo obratio policijskom službeniku S. Đ. riječima „Šta je debela, šta si zauzela gard, bolje ti je da smrša“, a zatim i policijskom službeniku A. Č. riječima „A ti jarane, oči su ti crvene ko da si narkoman“, da bi se nakon toga E.D. uputio u dio kuće gdje se nalazi njegova majka S.K. gdje joj se obratio riječima „Šta je, šta sam ti uradio, vidjećeš ti šta će biti, zapalit ću i tebe i ovu kuću“, da bi nakon toga policijski službenici A.Č. i S.Đ. poduzeli mjere u cilju poduzimanja službene radnje lišenja slobode E.D. kojom prilikom se E.D. počeo udaljavati od navedenih policijskih službenika obraćajući im se riječima „Dirnite me, ja ću vas opaliti“, da bi nakon što je policijski službenik A. Č. prišao E. D. u cilju hvatanja njegove lijeve ruke u cilju poduzimanja zahvata poluge, a istovremeno policijski službenik S. Đ. prišla E. D. sa ciljem poduzimanja iste radnje kao i policijski službenik A. Č. u odnosu na desnu ruku E. D., E.D. pružio aktivan otpor na način da je mahao rukama i nogama prema navedenim policijskim službenicima kojima se otrgnuo i dao se bijeg, da bi isti dana 26.04.2024. godine u 16.40 sati od strane policijskog službenika Ministarstva unutrašnjih poslova Zeničko-dobojskog kantona, Policijske stanice Centar, A. J. , u tom

momentu raspoređen na određene službene zadatke shodno rasporedu službe Ministarstva unutrašnjih poslova Zeničko-dobojskog kantona, Policijske uprave I, Policijske stanice Centar za dan 26.04.2024. godine i patrolnim nalogom Ministarstva unutrašnjih poslova Zeničko-dobojskog kantona, Policijske stanice Centar broj: 3394/24 od 26.04.2024. godine, bio lišen slobode i priveden u Policijsku stanicu Centar, svjestan da na taj način upotrebom sile sprečava službene osobe A. Č. i S. Đ. u vršenju službene radnje lišenja slobode, što je i htio

Dakle, nasiljem, drskim i bezobzirnim ponašanjem ugrozio mir i psihičko zdravlje člana svoje porodice i upotrebom sile spriječio službene osobe pri obavljanju poslova javne sigurnosti u vršenju službenih radnji,

čime je počinio krivično djelo nasilje u porodici iz člana 222. stav 1. Krivičnog zakona FBiH u sticaju sa krivičnim djelom sprečavanje službene osobe u vršenju službene radnje iz člana 358. stav 3. u vezi sa stavom 1. Krivičnog zakona FBiH, u vezi sa članom 54. istog Zakona, pa se na osnovu istih članova i propisa i uz primjenu odredbi člana 49. stav 1. KZFBiH za krivično djelo nasilje u porodici iz člana 222. stav 1. Krivičnog zakona FBiH utvrđuje kazna zatvora u trajanju od 4 (četiri) mjeseca, a za krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. Krivičnog zakona FBiH utvrđuje se kazna zatvora u trajanju od 1 (jedne) godine i 2 (dva) mjeseca, te se

O S U D U J E

na jedinstvenu kaznu zatvora u trajanju od 1 (jedne) godine i 5 (pet) mjeseci, a u koju kaznu se uračunava vrijeme lišenja slobode od 26.04.2024. godine od 16,40 sati do 27.04.2024. godine do 16,00 sati.

U skladu sa članom 202. stav 4. ZKP-a FBiH optuženi D.E. se oslobađa obaveze da Sudu naknadi troškove krivičnog postupka.

Obrazloženje

Kantonalno tužilaštvo Zenica je dana 15.10.2024. godine kod ovog Suda podiglo optužnicu, broj: T04 0 KT 0058190 24 od 15.10.2024. godine, protiv optuženog D.E., a koja je potvrđena dana 18.10.2024. godine, zbog krivičnog djela Nasilje u porodici iz člana 222. stav 1. KZ FBiH u sticaju sa krivičnim djelom Sprečavanje službene osobe u vršenju službene radnje iz člana 358. stav 3. u vezi sa stavom 1. KZ FBiH, bliže opisana u dispozitivu Presude.

Optuženi D.E. prilikom izjašnjenja o krivnji, na Zapisnik ovog Suda od 22.01.2025. godine, izjasnio se krivim za krivična djela koja mu se stavljaju na teret Optužnicom.

Sud je razmotrio njegovu izjavu o priznanju krivnje i tom prilikom je utvrdio da optuženi D.E. u momentu priznanja krivnje nije bolovao ni od kakve psihičke ili duševne bolesti, da nije bio pod uticajem alkohola ili droga te da je bio sposoban za postupak pred Sudom. Također je tom prilikom Sud utvrdio da ga niko nije natjerao da prizna krivnju, da mu niko nije ništa dao ili obećao dati kako bi priznao krivnju, da je razumio da se priznanjem krivnje odriče prava na suđenje, tj. da se neće neposredno izvoditi dokazi koji se tiču postojanja krivičnog djela i njegove krivnje za isto, već da se mogu samo izvoditi dokazi na okolnosti koje utiču na vrstu i visinu kazne, da je upoznat sa posljedicama o priznanju krivnje, tj. da može biti obavezan na naknadu štete Oštećenoj i troškova postupka Sudu, da mu je poznato da može tražiti od Suda da ga Sud oslobodi obaveze za naknadu troškova postupka ako nije u mogućnosti da to učini.

Sud je izvršio uvid u dokaze u spisu na kojima se zasniva Optužnica za ovo krivično djelo i to: Zapisnik o ispitivanju osumnjičenog E.D.Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-09-135/24 od 27.04.2024. godine, Zapisnik o ispitivanju osumnjičenog E.D.Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-02-243/24 od 09.10.2024. godine, , Zapisnik o saslušanju svjedoka S. K. Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-09-112/24 od 16.04.2024. godine, Zapisnik o saslušanju svjedoka S. K. Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-02-239/24 od 07.10.2024. godine, Zapisnik o saslušanju svjedoka S.Đ.Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-09-117/24 od 18.04.2024. godine,Zapisnik o saslušanju svjedoka A.Č.Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-09-128/24 od 22.04.2024. godine, Zapisnik o saslušanju svjedoka A. J. Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka

kriminalističke policije broj: 08-02-08/4-02-241/24 od 07.10.2024. godine, Standardizirani policijski izvještaj Ministarstva unutrašnjih poslova Zeničko-dobojskog kantona, Uprave policije, Policijske uprave I, Policijske stanice Centar broj: F04-12-24-168 od 14.04.2024. godine, DT22; Izvještaj o počinjenom krivičnom djelu Ministarstva unutrašnjih poslova Zeničko-dobojskog kantona, Uprave policije, Policijske uprave I broj:08-02-08/4-477-1/24 od 09.05.2024. godine, DT 23, Rješenje Općinskog suda u Zenici broj: 43 0 Pr 238191 23 Zm od 28.11.2023. godine, Zapisnik o činjeničnom stanju u odnosu na nasilje u porodici Ministarstva unutrašnjih poslova Zeničko-dobojskog kantona, Uprave policije, Policijske stanice Centar broj: 08-02-08/1-1688/24 od 14.04.2024. godine, Evidencija prijave o nasilju u porodici broj: 1688 od 14.04.2024. godine, Jedinstveni obrazac za prijavu nasilja u porodici od 14.04.2024. godine, Raspored službe Ministarstva unutrašnjih poslova Zeničko-dobojskog kantona, Uprave policije, Policijske uprave I, za dan nedjelja 14.14.2024. godine, Patrolni nalog Ministarstva unutrašnjih poslova Zeničko-dobojskog kantona, Uprave policije, Policijske uprave I, Policijske stanice Centar broj: 3033/24 za dan nedjelja 14.04.2024. godine, Raspored službe Ministarstva unutrašnjih poslova Zeničko-dobojskog kantona, Uprave policije, Policijske uprave I, za dan petak 26.04.2024. godine, Patrolni nalog Ministarstva unutrašnjih poslova Zeničko-dobojskog kantona, Uprave policije, Policijske uprave I, Policijske stanice Centar broj: 3394/24 za dan petak 26.04.2024. godine, Službena zabilješka Ministarstva unutrašnjih poslova Zeničko-dobojskog kantona, Uprave policije, Policijske uprave I, Odsjeka kriminalističke policije broj: 08-02-08/4-103/24 od 16.04.2024. godine, Obrazac operativne potrage za licem Ministarstva unutrašnjih poslova Zeničko-dobojskog kantona, Uprave policije od 16.04.2024. godine, Obrazac obustave operativne potrage za lice Ministarstva unutrašnjih poslova Zeničko-dobojskog kantona, Uprave policije broj: 08-02-08/4-117/24 od 30.04.2024. godine, Zapisnik o lišenju slobode Ministarstva unutrašnjih poslova Zeničko-dobojskog kantona, Uprave policije, Policijske uprave I, Policijske stanice Centar broj: 08-02-08/1-26/24 od 26.04.2024. godine, Zapsnik o otpustu osobe lišene slobode Ministarstva unutrašnjih poslova Zeničko-dobojskog kantona, Uprave policije, Policijske uprave I, Policijske stanice Centar broj: 08-02-08/1-26/24 od 27.04.2024. godine, Izvod iz kaznene evidencije za osumnjičenog E.D.Ministarstva unutrašnjih poslova Zeničko-dobojskog kantona, Uprave policije, Policijske uprave I od 16.04.2024. godine, DT14. Optuženi i Branilac nisu prigovorili sadržaju i zakonitosti navedenih dokaza.

Priznanje krivnje optuženog D.E. u cijelosti je potkrijepljeno navedenim dokazima, te je Sud na osnovu priznanja krivnje optuženog D.E. i sadržaja dokaza na kojima se zasniva optužba za predmetna krivična djela na pouzdan način utvrdio da je optuženi D.E. počinio radnje i prouzrokovao Zakonom zabranjene posljedice, na način kako je to bliže opisano u dispozitivu Presude, i da je na taj način ostvario obilježja krivičnog djela nasilje u porodici iz člana 222. stav 1. Krivičnog zakona FBiH u sticaju sa krivičnim djelom sprečavanje službene osobe u vršenju službene radnje iz člana 358. stav 3. u vezi sa stavom 1. Krivičnog zakona FBiH, u vezi sa članom 54. istog Zakona.

Dokazi u spisu ukazuju da je kod optuženog D.E. u kritično vrijeme postojala krivnja za krivična djela koja mu se Optužnicom stavljaju na teret. Naime, optuženi D.E. bio je svjestan i znao da čineći radnje, na način kako je to bliže opisano u dispozitivu Presude, postupao protupravno a što je i htio. Dakle, bio je svjestan svojih djela i htio njihovo izvršenje i postupao je sa direktnim umišljajem, pa ga je stoga Sud i oglasio krivim.

Iz Izvoda iz kaznene evidencije vidljivo je da je optuženi D.E. do sada bio 2 (dva) puta osuđivan za druga krivična djela i da je zadnja osuda bila u mjesecu martu 2020. godine.

Prilikom odlučivanja o vrsti i visini krivične sankcije Sud je imao u vidu da je za krivično djelo "Nasilje u porodici,, iz člana 222. stav 1. KZ F BiH propisana novčana kazna ili kazna zatvora do jedne godine, dok je za krivično djelo „Sprečavanje službene osobe u vršenju službene radnje“ iz člana 358. stav 3. u vezi sa stavom 1. KZ F BiH propisana kazna zatvora od tri mjeseca do tri godine, težinu krivičnih djela, stepen i oblik krivnje optuženog D.E., s tim da je na strani Optuženog Sud cijenio kao olakšavajuće okolnosti da je priznao izvršenje krivičnih djela, da se kaje, da je dao obećanje da se to više neće ponoviti, a kao otežavajuće okolnosti Sud je ocijenio njegovu raniju osuđivanost, te Sud očekuje da će se sa izrečenom osudom ostvariti opća i individualna svrha izricanja krivičnih sankcija.

Odluka o troškovima postupka, koji se odnose na paušal u iznosu od 100,00 KM, temelji se na odredbama člana 202.stav 4. ZKP-a F BiH, a Sud je optuženog D.E. oslobodio obaveze da Sudu naknadi troškove krivičnog postupka iz razloga što se radi o licu koje nema redovna primanja i isti je bez imovine.

Shodno iznešenom valjalo je Sudu odlučiti kao u dispozitivu Presude.

Zapisničar
Mutapčić Inela, s.r.

Sudija
Sabrija Agić, s.r.

PRAVNA POUKA:

Protiv ove Presude može se izjaviti žalba
Kantonalnom sudu u Zenici u roku od 15 dana
od dana prijema pismenog otpravka Presude.
Stranke mogu izjaviti žalbu iz svih zakonskih
razloga, a Oštećena zbog odluke o troškovima postupka i
odluke o imovinskopравnom zahtjevu. Žalba se podnosi putem ovog Suda u tri primjerka.

-Krivični zakon FBiH ("Sl. novine F BiH" broj: 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23)
Zakon o krivičnom postupku F BiH ("Sl. novine F BiH" broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20)